

Praktis 2: Baca petikan prosa klasik di bawah ini dengan teliti. Kemudian isi ruangan kosong dengan pilihan **bahasa Melayu Standard** yang betul bagi prosa tersebut

Setelah diketahuinya, maka Kertala Sari pun masuk menyamar pada orang Patih Karma Wijaya. Tatkala itu, Kertala Sari pun masuk seorangnya mengikut Patih Karma Wijaya pergi menghadap sama dengan Jawa yang banyak itu. Maka oleh Kertala Sari segala hulubalang yang menghadap sama-sama itu dilihatnya seorang kepada seorang. Maka Kertala Sari pun pandang pada Laksamana; maka ia pun fikir dalam hatinya, "dialah gerangan hulubalang Ratu Melaka yang bernama Laksamana itu. Jikalau demikian lakunya, sungguhlah ia dapat membunuh bapaku, kerana ia parajurit besar lagi kepetangan."

1. _____

2. _____

3. _____

4. _____

5. _____

Jawapan:

1. Selepas itu Kertala Sari masuk seorang diri mengikut Patih Karma Wijaya pergi menghadap bersama-sama orang Jawa yang banyak itu.
2. Setelah diketahuinya, Kertala Sari pun menyamar bersama-sama dengan orang Patih Karma Wijaya.
3. Jikalau begitu tabiatnya, memang benarlah dia dapat membunuh bapaku, kerana dia askar upahan yang hebat lagi cerdik"
4. Kertala Sari melihat hulubalang yang menghadap bersama-sama itu seorang demi seorang.
5. Kertala Sari memandang Laksamana; dia berfikir di dalam hatinya "Dialah hulubalang Melaka yang bernama Laksamana itu.